

唐
音
統
籤

丁籤十

至十四
同卷

唐音統籤卷

二百二十

蘇渙舉進士第嘗佐湖南幕府授監察御史後以

謀亂伏法詩一卷

唐志有宋志亡

今存四篇

唐志注云渙少喜剽盜善

用白弩巴蜀商人苦之號曰劫以此莊驕後折節

讀書登第湖南崔曜辟為從事曜遇害渙走交廣

與哥舒晃反誅

杜甫贈渙詩序云誦近詩數首

才力素壯詞句動人憶其湧思雷出書篋几杖之

外殷殷留金石聲高仲武云渙知非變節復扇

亂侵敗王略此猶蛟龍見血本質彰矣變律詩文

意長于諷刺亦有陳拾遺一鱗半甲昔漢策紀劇

通說詞皇史錄祖君彥書檄豈但不棄雕蟲亦以

寓戒

君子

變律詩

渙在廣州作上連率李公凡十九首今止存其三

日月東西行照在太荒北其中有燭龍靈恠人莫

測開目爲晨暉閉目爲夜色一開復一閉明晦無
休息居然六合內曠哉天地德天地且不言世人
強喧喧

毒蜂成一窠高掛惡木枝行人百步外目動魂亦
飛長安大道旁挾彈誰家兒右手持金丸引滿無
所疑一中紛下來勢若風雲隨身如萬箭攢宛轉
迷所之徒有疾惡心柰何不知機

養蠶爲素絲葉盡蠶不老傾筐對空林此意向誰
道一女不得織萬夫受其寒一夫不得意四海行
路難禍亦不在大福亦不在先世路險孟門吾徒

當勉旃

懷素上人草書歌兼送謁徐廣州

張顛沒來二十年謂言草聖無人傳零陵沙門繼
其後新書草字大如斗興來走筆如旋風醉後耳
熱心更兇忽如裴旻舞雙劍七星錯落纏蛟龍又
如吳生畫神鬼魑魅魍魎驚竄空鈎鎖相連勢不
絕倔強毒蛇爭屈鐵西河舞劍氣凌雲孤蓬自振
唯有君今日華堂看洒落四座喧呼歎佳作迴首
邀余賦一章欲令羨價齊鍾張琅琅誦句三百字
何似醉僧顛復狂忽然告我遊南嶽言祈亞相求

大名亞相書翰凌獻之見君絕意必深知南中紙
價當日貴只恐貪泉成墨池

丁籤十一

柳郊

宋藝文志作俊唐詩紀事作柳今從晁公武作郊

大曆間進士與李

端盧綸相友善爲詩長於短句有集一卷

唐志無宋志有

今存詩二篇

贈別二首

江浦程千里離樽淚數行無論吳與楚俱是客他鄉

何處最悲辛長亭臨古津往來舟楫路前後別離

人

句

他鄉生白髮舊國有青山

送客還鄉紀事云最有思致

丁籤十二

鄭常氏里莫詳有詩一卷

唐志有宋志無

今存三篇

品彙云肅

代間人

唐榮陽鄭譜有鳳翔司士參軍常不知

是否高仲武云常省靜婉靡雖未洪深已入文

流如儒衣荷葉老野飯藥苗肥翩翩然有士氣又得道非真相頭陀是苦心直入禪定矣

寄邢逸人

羨君無外事日與世情違地僻人難到溪深鳥自

飛儒衣荷葉老野飯藥苗肥疇昔江湖意

一作若問湖邊

意而今憶共歸

高仲武云有丘園之趣

送頭陀上人赴廬山寺

僧家無住著早晚出東林得道非真相頭陀是苦心持齋山果熟倚錫野雲深溪事誰相待香花與梵音

謫居漢陽白沙口阻雨因題驛亭

漢陽無遠近見說過湓城雲雨經春客江山幾日程終隨鷗鳥去祇待海潮生前路逢漁父多愁問姓名

丁籤十三

衛準大曆五年進士第詩一卷今逸

宋藝文志作
衛準唐詩紀

事作衛準
即一人也

句

並見張爲
主客圖

莫言閑話是閑話往往事從閑話來

何必剃頭

爲弟子無家便是出家人

丁籤十四

陳蛻肅代間人詩一卷今逸

唐宋志無文
獻經籍考無

句

夢裏換春秋

蛻長安十五詠自叙云蛻生長江淮
間以詩句從賦僅十餘年矣今我后

撫運澤及四夷蛻復得爲太平人云
云此賦咏華清宮逸句也餘多不傳

唐音統籤

卷二百二十

四

丁籤十五

唐音統籤卷

二百二十一

韋應物京兆長安人周道遙公襲之後少以三衛
郎事玄宗後折節讀書辟從事河陽永泰中授京
兆功曹遷洛陽丞兩軍騎士驕橫繩以法被訟棄
官起爲鄆令大曆中制除櫟陽令復以疾謝歸建
中初拜比部員外郎出爲滁州刺史久之改江州
追赴闕擢左司郎中貞元初復出爲蘇州刺史應
物性高潔鮮食寡欲所居焚香掃地而坐其爲詩
馳驟建安以還各得風韻而擺去陳言格力閑暇
意致簡遠超然似其爲人詩家比之陶元亮稱陶

韋云

唐文藝傳序云應物行事史家逸之此則宋王欽臣集序沈明遠補傳所載蓋采之林寶

姓纂李肇國史補及集中詩題者其補傳蘇州罷

郡後復載有諸道鹽鐵轉運江淮留後朝議郎守

太僕少卿兼御史中丞一街則出自劉禹錫太和

六年舉官自代狀葉石林蔡寬夫以為蘇州年十

五出身天寶至此九十餘集十卷唐宋志同王

年當另是一人因刪之欽臣嘉祐本分

十五總類合五百七十一篇葛縈熙寧蘇郡本較

除重複補欽臣本四篇著為五百五十九篇紹興

蘇郡重刊本蓋三篇乾道本又益一篇今考紹興

所益宮人入道係張蕭遠詩早春遊望係杜審言

詩刪夫詩餘四首改入辛籤復于文苑英華得古

詩三首律詩一首萬首唐詩得五言絕句一首補

入定著為五百六十二首仍改分類為分體體各

以舊類相次白樂天云蘇州歌行才麗之外頗

近典諷其五言詩又高雅閑淡自成一家體今之

乘筆者誰能及之然當蘇州在時人亦未甚愛重

必待身後然後貴之蘇東坡云蘇李劉曹謝陶

固已至矣李杜以逸世之資凌跨百代後之詩人

繼出而才不逮意獨韋應物柳子厚發纖穠於古
寄至味於澹泊非餘子所及也 朱晦菴語
云蘇州高於王維孟浩然諸人以其無聲色臭味
也又云其詩無一字造作直是自在氣象近道
方虛谷云世言韋柳韋詩淡而緩柳詩峭而勁同
而異也 劉須溪云韋應物居官自愧閑閑有極
人之心其詩如深山採藥飲泉坐石日晏忘歸與
孟浩然雖意趣相似而入處不同又云韋蘇州
一二語高處有
山泉極品之味

四言古詩

虞獲子鹿

并序 原集無
據熙寧校本補

虞獲子鹿憫園鹿也遭虞之機
張見畜於人不得遂其天性焉

虞獲子鹿畜之城陬園有美草池有清流但見麀
麀亦聞呦呦諱知其思巖谷云遊

五言古詩一

奉和聖製重陽日賜宴

貞元四年詔中書門下簡定文詞士三五

十人應制
同用清字

聖心愛萬國端居在穆清玄功致海晏錫燕表文
明恩屬重陽節南應此時晴寒菊生池苑高樹出
宮城捧藻千官處垂戒百王程復覩開元日臣愚
獻頌聲

貴遊行

漢帝外家子恩澤少封侯垂楊拂白馬曉日上青
樓上有顏如玉高情世無儔輕裾含碧烟窈窕似

雲浮良時無還景促節爲我謳忽聞艷陽曲四坐
亦已柔賓友仰稱歎一生何所求平明擊鐘食入
夜樂未休風雨憇歲候兵戈橫九州焉知坐上客
草草心所憂

相逢行

二十登漢朝英聲邁今古適從東方來又欲謁明
主猶酣新豐酒尚帶灞陵雨邂逅兩相逢別來問
寒暑寧知白日晚暫向花間語忽聞長樂鐘走馬
東西去

廣陵行

雄藩鎮楚郊地勢鬱岩巖雙旌擁萬戰中有霍嫺
姚海雲助兵氣寶貨益軍饒嚴城動寒角晚騎踏
霜欄翕習英豪集振奮士卒驍列郡何足數趨拜
等卑寮日晏方云罷人逸馬蕭蕭忽如京洛間遊
子風塵飄歸來視寶劒功名豈一朝

凌霧行

秋城海霧重職事凌晨出浩浩合元天溶溶迷朗
日纔看含鵲白稍似霑衣密道騎全不分郊樹都
如失霏微誤噓吸膚腠生寒慄歸當飲一杯庶用
蠲斯疾

樂燕行

良辰且燕樂樂往不再來趙瑟正高張音響清塵埃
一彈和妙謳吹去繞瑤臺艷雪凌空散舞羅起徘徊
輝輝發衆顏灼灼歎令才當喧既無寂中飲亦停杯
華燈何遽升馳景忽西頽高節亦云立安能滯不廻

鷓鴣啼

可憐鷓鴣飛飛向樹南枝南枝日照暖北枝霜露滋
露滋不堪棲使我夜常啼願逢雲中鶴銜我向寒廊
願作城上鳥一年生九雛何不舊巢住枝枝

不得去何意道苦辛客子常畏人

采玉行

官府徵白丁言采藍谿玉絕嶺夜無家深榛雨中宿獨婦餉糴還哀哀舍南哭

擬古詩十二首

辭君遠行邁飲此長恨端已謂道里遠如何中險艱流水赴大壑孤雲還暮山無情尚有歸行子何獨難驅車背鄉園朔風一作吹送行迹嚴冬斷肌日入不遑息憂歡容髮變寒暑人事易中心君詎知冰玉徒貞白

黃鳥何關關幽蘭亦靡靡此時深閨婦日照紗

一作

綺窻裏娟娟雙青娥微微啓玉齒自惜桃李年誤身遊俠子無事久離別不知今生死

我我高山巔浼浼清川流世人不自信馳謝如驚鷗百金非所重厚意良難得旨酒親與朋芳年樂京國京城繁華地軒蓋凌晨出垂楊十二衢隱映金張室漢宮南北對飛觀齊白日游泳屬芳時

一作

遊治詠

平生自云畢

綺樓何氛氲朝日正杲杲四壁含清風丹霞射其牖玉顏上哀嚀絕耳非世有但感離恨情不知誰

家婦孤雲忽無色邊馬爲迴首曲絕碧天高餘聲
散秋草徘徊帷中意獨夜不堪守思逐朔風翔一
去千里道

嘉樹藹初綠靡蕪吐幽芳君子不在賞寄之雲路
長路長信難越惜此芳時歇孤鳥去不還緘情向

天末

劉辰翁云
枯淡欲無

月滿秋夜長驚鳥號北林天河橫未落斗柄當西
南寒蛩悲洞房好鳥無遺音商飈一夕至微宿懷
重衾舊交日千里隔我浮與沉人生豈草木寒暑
移此心

酒星非所酌月桂不爲食虛薄空有名爲君長嘆
惜蘭蕙雖可懷芳香與時息豈如凌霜葉歲暮凋
顏色折柔將有贈延意千里客草木知賤微所貴
寒不易

神州高爽地遐瞰靡不通寒月野無綠寥寥天
空陰陽不停歇貞脆各有終汾沮何鄙儉考槃何
退窮反志解牽跼無爲尚勞躬美人奪南國一笑
開芙蓉清鏡理容髮褰簾出深重豔曲呈皓齒舞
羅不堪風慙慙情有待贈芳爲我容可嗟青樓
流影君帷中

春至林木變洞房夕含清單居誰能裁好鳥對我
鳴良人久燕趙新愛移平生別時雙鴛綺留此干
恨情碧草生舊迹綠琴歇芳聲思一作將魂夢歡
反側寐不成擘衣述所次起望空前庭一作覽衣
起望孤影中自惻不知雙涕零

秋天無留景萬物藏光輝落葉隨風遠愁人獨何
依華月屢圓缺君還浩無期如何雲雨絕一去音
塵違

有客天一方寄我孤桐琴迢迢萬里隔託此傳幽
音冰霜中自結龍鳳相與吟絃以昭一作明

漆以形

一作交深

交深

白日淇上沒空閨生遠愁寸心不可限洪水長悠
悠芳樹正妍鬱

一作自
交加

春禽自相求徘徊東西廂

孤妾誰與儔年華逐絲淚一落俱不收

雜體五首

沉沉匣中鏡爲此塵垢蝕輝光何所如月在雲中
黑南金旣雕錯盤帶共輝飾空存鑒物名坐使絳
姬惑美人竭肝膽思照冰玉色自非磨瑩工日
日空歎息

古宅集祆鳥羣號枯樹枝黃昏窺人室鬼物相

期居人不安寢搏擊思此時豈無鷹與鷂飽肉不
肯飛既平逐鳥節望養陵雲姿孤負肉食恩何異
城上鴟

春羅雙鴛鴦出自寒夜女心精烟霧色指歷千萬
緒長安貴豪家妖艷不可數裁此百日功唯將一
朝舞舞罷復裁新豈思勞者苦

同聲自相應體質不必齊誰知賈人鐸能使大樂
諧鏗鏘發宮徵和樂變其哀人神既昭享鳳鳥亦
下來豈非至賤物一奏升天階物情苟有合莫問
玉與泥

碌碌荆山璞卞和獻君門荆璞非有求和氏非有
恩所獻知國寶至公不得言是非吾欲默此道今
豈存

與友生野飲效陶體

携酒花林下前有千載墳於時不共酌柰此泉下
人始自翫芳物行當念徂春聊舒遠世蹤坐望還
山雲且遂一歡笑焉知賤與貧

效陶彭澤

霜露悴百草時菊獨妍華物性有如此寒暑其柰
何劉辰翁曰兩擬暮泛鵲膠日人會田家盡醉茅
語似達似憑

簷下一生豈在多
蘇州詩去陶自近至效陶則復取王夷甫語用之故知晉人無
不有風致
可愛也

任洛陽丞請告

方鑿不受圓直木不爲輪
揆才各有用反性生苦
辛折腰非吾事飲水非吾貧
休告臥空館養病絕
點塵遊魚自成族野鳥亦有群
家園杜陵下千歲
心氛氲天晴嵩山高雪後
河洛春喬木猶未芳
百草日已新著書復何爲
當去東臯耘

縣齋

仲春時景好草木漸舒榮
公門且無事微雨園林

清泱泱水泉動忻忻衆鳥鳴閒齋始延囑東作興
庶吐卽事玩文墨抱冲披道經於焉日澹泊徒使
芳尊盈

晚出府舍與獨孤兵曹令狐工曹南尋朱雀
街歸里第

分曹幸同簡聯騎方愜素還從廣陌歸不覺青山
暮翻翻鳥未沒杳杳鐘猶度尋草遠無人望山多
枉路聊叅世士跡嘗得靜者顧出入雖見牽忘身
絲所晤

休暇東齋

唐詩集卷之十一
由來亦帶士請謁無朝暮公暇及私身何能獨閒
步摘華愛芳在捫竹憐粉污岸幘掩東齋夏天清
曉露懷仙閱真誥貽友題幽素榮達頗知疎恬然
自成度緣苦日已滿幽寂誰來顧

觀早朝

伐鼓通嚴城車馬溢廣墜煌煌列明燭朝服照華
鮮金門杳深沉尚聽清漏傳河漢忽已沒司閤啓
晨關丹殿據龍首崔嵬對南山寒生千門裏日照
雙闕間禁旅下成列爐香起中天輝輝覩明聖濟
濟行音俊賢媿無鴛鴦姿短翮空飛還誰當假毛

羽雲路相追攀

夜直省中

河漢有秋意南宮生早涼
玉漏殊杳杳雲闕夏蒼蒼
蒼華燈發新燄輕煙浮夕
香顧跡知爲忝束帶愧
周行

郡內閒居

棲息絕塵侶屏鈍得自怡
腰懸竹使符心如廬山
緇永日一酣寢起坐兀無思
長廊獨看雨衆藥發
幽姿今夕已云罷明晨復如斯
何事能爲累寵辱
豈要辭

燕居卽事

蕭條竹林院風雨叢蘭折幽鳥林上啼青苔人跡絕
燕居日已永夏木紛成結几閣積羣書時來北窓閱

幽居

貴賤雖異等出門皆有營獨無外物牽遂此幽居情
微雨夜來過不知春草生青山忽已曙鳥雀繞舍鳴
時與道人偶或隨樵者行自當安蹇劣誰謂薄世榮

劉辰翁云古訓本色微雨一聯似亦以痴得之也

郊居言志

負暄衡門下望雲歸遠山但要尊中物餘事豈相
關交無是非責且得任疎頑日夕臨清澗逍遙思
慮閒出去唯空屋弊簣委窓間何異林棲鳥戀此
復來還世榮斯獨已顏志亦何攀唯當歲豐熟間
里一歡顏

夏景端居卽事

北齋有涼氣嘉樹對層城重門永日掩清池夏雲
生遇此庭訟簡始聞蟬初鳴逾懷故園愴默默以
緘情

始至郡

溢城古雄鎮橫江千里池高樹上迢遞峻堞繞欹
危井邑煙火晚郊原草樹滋洪流蕩北吐崇嶺鬱
南圻斯民本樂生逃逝竟何爲旱歲屬荒歉舊道
積如坻剗郡方逾月終朝理亂絲賓朋未及燕簡
牘已云疲昔賢播高風得守媿無施豈待千戢戢
且願撫惓惓

郡中西齋

似與塵境絕蕭條齋舍秋寒花獨經雨山禽時到
州清觴養真氣玉書示道流豈將符守戀幸以棲
心幽

新理西齋

方將吐訟理久翳西齋居草木無行次閒暇一茲
除春陽土脉起膏澤發生初養條刊朽枿護藥鋤
穢蕪稍稍覺林聳歷歷忻竹疎始見庭宇曠頓令
繁抱舒茲焉即可愛何必是吾廬

曉坐西齋

寥寥城鼓動稍稍林鷗去柳意不勝春巖光已知
曙寢齋有單綈靈藥爲朝茹鹽漱竹景清焚香澄
神慮公門自常事道心寧與處

寓居未定精舍

蘇州

政拙忤罷守閒居物理生家貧何由往夢想在京
城野寺霜露月農興羈旅情聊租二頃田力課子
弟耕眼暗文字廢身閒道心精卽與人羣遠豈謂
是非嬰

永定寺喜辟強夜至

子有新歲慶獨此苦寒歸夜叩竹林寺山行雪滿
衣深爐正燃火空齋共掩扉還將一尊對無言百
事違

野居

結髮屢辭秩立身本疎慢今得罷守歸幸無世欲

惠棲止且偏僻嬉遊無早晏逐兔上坡圍捕魚綠
赤澗高歌意氣在貫酒貧居慣時啓北窓扉豈將
文墨問

餌黃精

靈藥出西山服食採其根九蒸換凡骨經著上世
言候火起中夜馨香滿南軒齋居感衆靈藥術啓
妙門自懷物外心豈與俗士論終期脫印綬永與
天壤存

樓中閱清管

山陽遺韻在林端橫吹驚響迥憑高閣曲怨繞秋

城浙瀝危葉振蕭瑟涼氣生始遇茲管賞已懷故園情

丁籤十五韋應物之二

唐音統籤卷

十二

五言古詩二

寒食

清明寒食好春園百卉開
綵繩拂花去輕毬度閣來
長歌送落日緩吹逐殘杯
非關無燭罷良爲羈思催

七夕

人世拘形迹別去聞山川
豈意靈仙偶相望亦彌年
夕衣清露濕晨駕秋風前
臨歡定不住當爲何所牽

秋夜

暗窓涼葉動秋齋寢席單
憂人半夜起明月在林
端一與清景遇每憶平生歡
如何方惻愴披衣露
更寒

滁城對雪

晨起滿闌雪憶朝闔闔時
玉座分曙早金爐上煙
遲飄散雲臺下凌亂桂樹姿
厠跡鴛鴦末蹈舞豐
年期今朝覆山郡寂寞復何爲

雪中

空堂歲已晏密室獨安眠
壓篠夜偏積覆閣曉逾

妍連山暗古郡驚風散一川此時騎馬出忽憶京
華年

對春雪

蕭屑杉松聲寂寥寒夜慮州貧人吏稀雪滿山城
曙春塘看幽谷棲禽愁未去開闌正亂流寧辨花
枝處

對新篁

新綠苞初解嫩氣筍猶香含露漸舒葉抽叢稍自
長清晨止亭下獨愛此幽篁

對萱草

唐音續集
何人樹萱草對此郡齋幽本是忘憂物今夕重生
憂叢踈露始滴芳餘蝶尚留還思杜陵圖離披風
雨秋

對雜花

朝紅爭景鮮夕素含露翻妍姿如有意流芳復滿
園單棲守遠郡末日掩重門不與花爲偶終遣與
誰言

種藥

好讀神農書多識藥草名持繚購山客移時羅衆
英不改幽澗色宛如此地生汲井旣蒙澤插援亦

扶傾陰穎夕房歛陽條夏花明悅翫從茲始日夕
繞庭行州民自寡訟養閒非政成

西澗種柳

宰邑乖所願僛俛愧昔人聊將休暇日種柳西澗
濱置鍾息微倦臨流睇歸雲封壤自人力生條在
陽春成陰豈自取爲茂屬佗辰延詠留嘉賞山水
變夕曛

種瓜

率性方爾莽理生尤自疎今年學種瓜園圃多荒
蕪衆草同雨露新苗獨翳如直以春耜迫過時不

得鋤田家笑在費日夕轉空虛信非吾儕事且讀
古人書

喜園中茶生

潔性不可污爲飲滌塵煩此物信靈味本自出山
原聊因理郡餘率爾植荒園喜隨衆草長得與幽
人言

郡齋移杉

擢幹方數尺幽姿已蒼然結根西山寺來植郡齋
前新舍野露氣稍靜高窓眠雖爲賞心遇豈有巖
中緣

花徑

山花夾徑幽古甃生苔
澗胡牀理事餘玉琴承露
出朝與詩人賞夜携禪客入自是塵外蹤無令吏
趨急

慈恩寺南池秋荷詠

對殿含涼氣裁規覆清沼
衰紅受露多餘馥依人
少蕭蕭遠塵跡颼颼變秋
曉節謝客來稀迴塘方
獨遠

題石橋

遠學臨海嶠橫此彝苔石
郡齋三四峰如有靈仙

月十
跡方愁暮雲滑始照寒池碧自與幽人期逍遙竟
朝夕

山耕叟

蕭蕭垂白髮默默詎知情獨教寒林燒多尋虎跡
行暮歸何處新來此空山耕

上方僧

見月出東山上方高處禪空林無宿火獨夜汲寒
泉不下藍溪寺今來三十年

煙際鐘

隱隱起何處迢迢送落暉蒼茫隨思遠蕭散逐煙

微秋野寂云晦望山僧獨歸

始聞夏蟬

徂夏暑未晏蟬鳴景已曛一聽知何處高樹但侵雲
響悲遇衰齒節謝屬離羣還憶郊園日獨向澗中聞

一 射雉

走馬上東岡朝日照野田野田雙雉起翻射斗迴鞭
雖無百發中聊取一笑妍羽分繡臆碎頭施錦鞢懸
方將悅羈旅非關學少年發弓一長嘯憶在灞城阡

蓮園鹿

野性本難畜
翫習亦逾年
麗斑始力直
麋角已蒼然
仰首嚼園柳
俯身飲清泉
見人若聞暇
蹙起忽低騫
茲獸有高貌
凡類寧比肩
不得遊山澤
跼促誠可憐

大梁亭會李四栖梧作

梁王昔愛才
千古化不泯
平聲至今蓮池上
遠集八方賓
車馬平明合
城郭滿埃塵
逢君一相許
豈要平生親
入仕三十載
如何獨未伸
英聲久籍籍
臺閣多故人
置酒發清彈
相與樂佳辰
孤亭得長望

白日下廣津富貴良可取
揭來西入秦秋風旦夕
起安得客梁陳

賈常侍林亭燕集

高賢侍天階跡顯心獨幽
朱軒驚關右池館在東
周繚繞接都城氤氲望嵩丘
羣公盡詞客方駕永
日遊朝旦氣候佳逍遙寫煩憂
綠林靄已布華沼
澹不流淩露摘幽草涉煙翫輕舟圓荷旣出水
廣廈可淹留放神遺所拘
觥罰屢兄酬樂燕良未極
安知有沉浮醉罷各云散何當復相求

穠疾會詩客元生與釋子
法朗因貽諸祠曹

對此嘉樹林獨有戚戚顏抱察知曠職淹旬非樂
閒釋子來問訊詩人亦扣關道同意暫遣客散疾
徐遶園徑自幽靜玄蟬噪其間高窓瞰遠郊暮色
起秋山英曹幸休暇恨恨心所攀

慈恩伽藍清會

素友俱薄世屢招清景賞鳴鐘悟音聞宿昔心已
往重門相洞達高宇亦遐朗嵐嶺曉城分清陰夏
條長氤氛芳臺馥蕭散竹池廣平荷隨波泛迴飈
激林響疏食遵道侶泊懷遺滯想何彼塵昏人區
區在天壤

與韓庫部會王祠曹宅作

開門蔭堤柳秋渠含夕清微風送荷氣坐客散塵
纓守默共無悵抱冲俱寡營良時頗高會琴酌共
開情

晦日處士叔園林燕集

遽看蕸葉盡坐闕芳年賞賴此林下期清風滌煩
想始萌動新煦佳禽發幽響嵐嶺對高齋春流濯
蔬壤尊酒遺形迹道言屢開獎幸蒙終夕歡聊用
稅歸轡

扈亭西陂燕賞

杲杲朝陽時悠悠清陂望嘉樹始氤氲春遊方浩
蕩况逢文翰侶愛此孤舟漾綠野際遙波橫雲分
疊嶂公堂日爲倦幽襟自茲曠有酒今滿盈願君
盡弘量

西郊燕集

濟濟衆君子高宴及時光羣山靄遐矚綠野布熙
陽列坐遵曲岸披襟襲蘭芳野庖薦嘉魚激澗泛
羽觴衆鳥鳴茂林綠草延高岡盛時易徂謝浩思
坐飄颻眷言同心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜迢
遶賓筵接時彥樂燕凌芳歲稍愛清觴滿仰歎高
文麗欲去返郊扉端爲一歡滯

滁州園池燕元氏親屬

日暮遊清池疎林籠高天餘綠飄霜露夕氣變風
烟水門架危閣竹亭列廣筵一展私姻禮屢歎芳
尊前感往在茲會傷離屬頸年明晨復云去且願
此留連

郡樓春燕

衆樂雜軍鞀高樓邀上客思逐花光亂賞餘山景

夕爲郡訪彫縣守程難損益聊假一林歎暫忘終
日迫

南塘泛舟會元六昆季

端居倦時輿輕舟泛廻塘微風颭散橫吹繞林
長雲澹水容夕雨微荷氣涼一寫情勤意寧用計
華勝

郡齋雨中與諸文士燕集

兵衛森畫戟宴寢凝清香海上風雨至逍遙池閣
涼煩痼近消散嘉賓復滿堂自慙居處崇未覩斯
民康理會是非遣性達形迹忘鮮肥屬時禁蔬果

幸見嘗俯飲一杯酒仰聆金玉章神歡體自輕意
欲凌風翔吳中盛文史群彥今汪洋方知大藩地
豈曰財賦疆

始建射侯

男子本懸弧有志在四方虎竹忝明命熊侯始張
皇賓客時事畢諸將備戎裝星飛的屢破鼓譟武
更揚曾習鄒魯學亦陪駕鸞翔一朝願投筆世難
激中腸

軍中冬無

滄海已云晏皇恩猶念勤式燕徧恒秩柔遠及斯

人茲邦實大藩伐鼓軍樂陳是時冬服成戎士氣
益振虎竹謬朝寄英賢降上賓旋罄周旋禮媿無
海陸珍庭中九劔闌堂上歌吹新光景不知晚觥
酌豈言頻單醪昔所感大醪况同忻顧謂軍中士
仰荅何由申

司空主簿琴席

煙華方散薄蕙氣猶含露澹景發清琴幽期默玄
悟留連白雪意斷續迴風度掩抑雖已終忉忉在
幽素

臺上遲客

高臺一悄望遠樹間朝暉但見東西騎端令心賞
連始霽郊園綠暮春啼鳥稀徒然對芳物何能獨
醉歸

登高望洛城作

高臺造雲端遐瞰周四垠雄都定鼎地勢據萬國
尊河岳出雲雨土圭酌乾坤舟通南越貢城背北
邙原帝宅夾清洛丹霞捧朝曦蔥蘢瑤臺榭窈窕
雙闕門十載構屯難兵戈若雲屯膏腴滿榛蕪比
屋空黷垣聖主乃東眷俾賢極元元熙熙居守化
泛泛太府恩至損當受益苦寒必生溫平明四城

開稍見市井喧坐感理亂迹永懷經濟言吾生自
不達空鳥何翩翩天高水流遠日晏城郭昏徘徊
訖旦夕聊用寫憂煩

同德寺閣集眺

芳節欲去晏遊遨樂相從高閣照丹霞颺颺含遠
風寂寥氛氲廓超忽神慮空旭日霽皇州岩崑見
兩宮嵩少多秀色羣山莫與崇三川浩東注瀍澗
亦來同陰陽降太和宇宙得其中舟車滿川陸四
國靡不通舊堵今已葺庶耻亦已豐周覽思自奮
行當遇時邕

登樂遊廟作

高原出東城鬱鬱見咸陽上有千載事乃自漢宣
皇頽墮久凌遲陳迹翳丘荒春草雖復綠驚風但
飄揚周覽京城內雙闕起中央微鐘何處來暮色
忽蒼蒼歌吹喧萬井車馬塞康莊昔人豈不爾百
世同一傷歸當守冲漠跡寓心自忘

登西南岡卜居遇雨尋竹浪至澧壩繫帶數
里清流茂樹雲物可賞

登高創危構林表見川流微雨颯已至蕭條川氣
秋下尋密竹盡忽曠沙際遊紆直水分野綿延稼

盈疇寒花明廢墟
樵牧笑榛丘
雲水成陰澹竹樹
更清幽
適自戀佳賞
復茲未日留

澧上與幼遐月夜登西岡翫花

置酒臨高隅
佳人自城闕
已翫滿川花
還看滿川月
花月方浩然
賞心何由歇

樓中月夜

端令倚懸檻
長望抱沉憂
寧知故園月
今夕在茲樓
衰運送餘馥
華露湛新秋
坐見蒼林變
清輝愴已收

登重玄寺閣

時暇陟雲構晨霽澄景光始見吳都大千里鬱蒼
蒼山川表明麗湖海吞大荒合沓臻水陸駢闐會
四方俗繁節又暄雨順物亦康禽魚各翔泳草木
遍芬芳於茲省氓俗一用勸農桑誠知虎符忝但
恨歸路長

丁籤十五韋應物之三

唐音統籤卷

二百二十三

五言古詩三

遊龍門香山泉

山水本自佳遊人已忘慮碧泉更幽絕賞愛未能
去潺湲瀉幽磴繚繞帶嘉樹激轉忽殊流歸泓又
同注羽觴自成翫永日亦延趣靈草有時香仙源
不知處還當候圓月攜手重遊寓

龍門遊眺

縈山導伊瀧中斷若天關都門遙相望佳氣生朝
夕素懷出塵意適有携手客精舍縹緲阿千龕鱗

峭壁緣雲路，蕭蕭繚繚鐘。已寂花樹繁，烟華淙流散。
石脉長，曉風臨潭漱。金碧日落望，都城人間何役役。

洛都遊寓

東風日已和，无化亮無私。草木同時植，生條有高卑。
罷官守園廬，豈不懷渴饑。窮通非所干，踟躕促當何。
爲佳辰，幸可遊親友。亦相追朝從華林宴，暮返東城期。
撥英出蘭皋，翫月步川坻。軒冕誠可慕，所憂在繫維。

再遊龍門懷舊侶

曾與竇黃州洛陽韓丞渾
池李承密鄭二尉同遊

兩山鬱相對晨策方上干靄靄眺都城悠悠俯清
瀾邈矣二三子茲焉屢遊盤良時忽已周獨往念
前歡好鳥始云至衆芳亦未闌遇物豈殊昔慨傷
自有端

莊嚴精舍遊集

良遊因時暇乃在西南隅綠烟凝層城豐草滿通
衢精舍何崇曠煩跼一弘舒架虹施廣蔭構雲眺
八區卽此塵境遠忽聞幽鳥殊新林泛景光叢綠
含露濡永日亮難遂平生少歡娛誰能遽還歸幸
與高士俱

府舍月遊

官舍取深夜佳月喜同遊橫河俱半落泛露忽驚
秋散彩踈羣樹分規澄素流心期與浩景蒼蒼殊
未收

任鄠令漢陂遊眺

野水灩長塘烟花亂晴日氛氲綠樹多蒼翠千山
出遊魚時可見新荷尚未密屢徃心獨間恨無理
人術

西郊遊囑

東風散餘沍陂水淡已綠烟芳何處尋杳靄春山

曲新禽弄喧節晴光泛嘉木一與諸君遊華觴
見屬

再遊西郊渡

水曲一追遊遊人重懷戀嬋娟昨夜月還向波中
見驚禽棲不定流芳寒未徧攜手更何時佇看花
如霰

月谿與幼遐君貺同遊

時二十
還城

岸篠覆迴谿迴谿曲如月沉沉水容綠寂寂流鶯
歇淺石方凌亂遊禽時出沒半雨夕陽霏緣源雜
花發明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深潭
黑密竹已成暮歸雲綠未極春鳥依谷喧紫蘭含
幽色已將芳景遇復欵平生憶終念一歡別臨風
還默默

秋夕西齋與僧神靜遊

晨登西齋望不覺至夕曛正當秋夏交原野起烟
氛坐聽涼颼舉華月稍披雲漠漠山猶隱灑灑川
始分物幽夜更殊境靜興彌臻息機非傲世于時
乏嘉聞究空自爲理况與釋子羣

觀田家

微雨衆卉新一雷驚蟄始田家幾日間耕種從此
起丁壯俱在野場圃亦就理歸來景常晏飲犢西
澗水饑飭不自苦膏澤且爲喜倉廩無宿儲徭役
猶未已方慙不耕者祿食出閭里

園亭覽物

積雨時物變夏綠滿園新殘花已落實高笋半成
筍守此幽棲地自是忘機人

觀澧水漲

夏雨萬壑湊澧漲暮渾渾草木盈川谷澶漫一平

春槎便方瀾泛濤沫亦洪翻北來注涇渭所過無
安源雲嶺同昏黑觀望悸心魂舟人空歛棹風波
正自奔

陪王卿郎中遊南池

鵝鴻俱失侶同爲此地遊露浥荷花氣風散柳園
秋烟草凝衰蟻星漢泛歸流林高初上月塘深未
轉舟清言屢往復華尊始獻酬終憶秦川賞端坐
起離憂

南園陪王卿遊囑

形迹雖拘檢世事澹無心郡中多山水日夕聽幽

禽几閣文墨暇園林春景深雜花芳意散綠池暮
色沉君子有高躅相攜在幽尋一酌何爲貴可以
寫冲襟

遊西山

時事方擾擾幽賞獨悠悠弄泉朝涉澗采石夜歸
州揮翰題蒼峭下馬歷嵌丘所愛唯山水到此卽
淹留

春遊南亭

川明氣已變巖寒雲尚擁南亭草心綠春塘泉脉
動景煦聽禽響雨餘看柳重逍遙池館華益媿專

城寵

再遊西山

南譙古山郡信是高人居自歎乏弘量終朝親簿
書於時忽命駕秋野正蕭疎積逋誠待責尋山亦
有餘測測石泉冷曖曖煙谷虛中有釋門子種藥
結茅廬出身厭名利遇境卽躊躇守直雖多忤視
險方晏如况將塵埃外襟抱從此舒

遊靈巖寺

始入松路永獨忻山寺幽不知臨絕檻乃見西江
流吳岫分烟景楚甸散林丘方悟關塞渺重軫故

園愁聞鐘戒歸騎
憩澗惜良遊
地踈泉谷狹
春深草木稠
茲焉賞未極
清景期杪秋

與盧陟同遊永定寺北池僧齋

密竹行已遠
子規啼更深
綠池芳草氣
閒齋春樹陰
晴蝶飄蘭徑
遊蜂遶花心
不遇君攜手
誰復此幽尋

遊溪

野水烟鶴唳
楚天雲雨空
翫舟清景晚
垂釣綠蒲中
落花飄旅衣
歸流澹清風
緣原不可極
遠樹但青蔥

遊開元精舍

夏衣始輕體遊步愛僧居果園新雨後香臺照日
初綠陰生畫靜孤花表春餘符竹方爲累形跡一
來疎

襄武館遊眺

州民知禮讓訟簡得遊遨高亭憑古地山川當暮
秋是時杭稻熟四望盡平疇仰恩慙政拙念勞喜
歲收澹泊風景曩繚繞臺樹幽節往情惻惻天高
思悠悠嘉賓幸雲集芳尊始淹留還希習池賞聊
以駐鳴騶

秋景詣琅邪精舍

屢訪塵外跡未窮幽賞情高秋天景遠始見山水
清上陟巖殿憩暮看雲壑平蒼茫寒色起迢遞晚
鐘鳴意有清夜戀身爲符竹嬰晤言緇衣子瀟灑
中林行

同韓郎中閒庭南望秋景

朝下抱餘素地高心本閒如何趨府客罷秩見秋
山踈樹共寒意遊禽同暮還因君晤清景西望一
開顏

慈恩精舍南池作

清境豈云遠炎氛忽如遺重門布綠陰葡萄滿廣
池石髮散消淺林光動漣漪緣崖摘紫房扣檻集
靈龜浥浥餘露氣馥馥幽襟披積喧忻物曠耽玩
覺景馳明晨復趨府幽賞當及思

雨夜宿清都觀

靈飈動閭闔微雨灑瑤林復此新秋夜高閣正沉
沉曠歲恨殊跡茲夕一披襟洞戶含涼氣網軒構
層陰泥自展良友芳尊遂盈斟適悟委前妄清言
怡道心豈戀腰間綬如彼籠中禽

善福精舍秋夜遲諸君

廣庭獨閒步夜色方湛然
開閣已排雲皓月正高懸
繁露降秋節蒼林鬱芊芊
仰觀天氣涼高詠古人篇
撫已亮無庸結交賴羣賢
屬予翹思時方子中夜眠
相去隔城闕佳期屢徂遷
如何日夕待見月三四圓

東郊

吏舍踟終年出郊曠清曙
楊柳散和風青山澹吾慮
依叢適自憩緣澗還復去
劉辰翁云遊興各自寓微雨霽
芳原春鳩鳴何處樂幽心
屢止遵事跡猶遽終罷期
結廬慕陶真可庶

秋郊作

清露澄境遠旭日照林初一望秋山靜蕭條形跡
疎登原忻時稼采菊行故墟方願沮溺耦澹泊守
田廬

行寬禪師院

北望極長廊斜扉掩叢竹亭午一來尋院幽僧亦
獨唯聞山鳥啼愛此林下宿

神靜師院

青苔幽巷徧新林露氣微經聲在深竹高齋獨掩
扉憩樹愛風嶺聽禽悅朝暉方耽靜中趣自與塵

事違

精舍納涼

山景寂已晦野寺變蒼蒼夕風吹高殿露葉散林
光清鐘始戒夜幽禽尚歸翔誰復掩扉臥不詠南
軒涼

藍嶺精舍

石壁精舍高排雲聊直上佳遊愜始願忘險得前
賞崖傾景方晦谷轉川如掌綠林含蕭條飛閣起
弘敞道人上方至深夜還獨往日落羣山陰天秋
百泉響所嗟累已戍安得長偃仰

道晏寺主院

北鄰有幽竹潛筠穿我廬往來地既密心樂道者
居殘花題柱節輕條蔭夏初聞鐘北窓起嘯傲永
日餘

義演法師西齋

結茅臨絕岸隔水聞清磬山水曠蕭條登臨散情
性稍指緣原騎還尋汲澗徑長嘯倚亭樹悵然川
光暝

澄秀上座院

繚繞西南隅鳥聲轉幽靜秀公今不在獨禮高僧

影林下器未敗何人適煮茗

至西峰蘭若受田婦饋

攀崖復緣澗遂造幽人居鳥鳴泉谷暖土起萌甲
舒聊登石樓憩下玩潭中魚田婦有嘉獻潏撒新
歲餘常怪投錢飲事與賢達疎今我何爲荅鰥寡
欲焉如

曇智禪師院

高年不復出門樓衆草生時夏方新雨果藥發餘
榮踈澹下林景流暮幽禽情身名兩俱遺獨此野
寺行

起度律師同居東齋院

釋子喜相偶幽林俱避喧安居同僧夏清夜諷道
言對閣景恒晏步庭陰始繁逍遙無一事松風入
南軒

遊琅邪山寺

受命恤人隱茲遊久未遑鳴騶響幽谷前旌耀崇
岡青冥臺初寒綠縹草木香填壑躋花界疊石權
雲房經製隨巖轉繚繞豈定方新泉泄陰壁高藏
陰綠塘攀林一棲止飲水得清涼物累誠可遣疲
吐終未忘還歸坐郡閣但見山蒼蒼

詣西山深師

曹溪舊弟子何緣住此山
世有征戰事心將流水
閒掃林驅虎出宴坐一
林間藩守寧爲重擁騎
造雲關

簡寂觀西澗瀑布下作

淙流絕壁散虛烟翠澗深
叢際松風起飄來灑塵
襟窺蘿玩猿鳥解組傲
雲林茶果邀真侶觴酌洽
同心曠歲懷茲賞行春始
重尋聊將橫吹笛一寫
山水音

遊南齋

池上鳴佳禽僧齋日幽寂高林晚露清紅藥無人
摘春水不生烟荒岡筠翳石不應朝夕遊良爲嗟
眈客

南園

清露夏天曉荒園野氣通水禽遙泛雪池蓮迥披
紅幽林詎知暑環丹似不窮頓灑塵喧意長嘯清
襟風

西亭

亭宇麗朝景簾牖散暄風小山初憚石珍樹正然
紅弱藤已扶援幽蘭欲成叢芳心幸如此佳人時

不同

夏景園廬

羣木晝陰靜北窓涼風多閒居逾時節夏雲已嗟
我舉葉愛繁綠綠澗弄驚波豈爲論夙志對此青
山阿

夏至避暑北池

晝晷已云極宵漏自此長未及施政教所憂變炎
涼公門日多暇是月農稍忙高居念田里苦熱安
可當亭午息羣物獨遊愛方塘門閉陰寂寂城高
樹蒼蒼綠筠尚含粉圓荷始散芳於焉灑煩抱可

以對華觴

題從姪成緒西林精舍書齋

棲身齒多暮息心君獨少慕謝始精文依僧欲觀
妙冽泉前階注清池北窓照果藥雜芬敷松筠踈
蒨峭屢躋幽人境每肆芳辰眺採栗玄猿窟擷芝
丹林嶠芋衣豈寒禦蔬食非饑療雖甘巷北單豈
塞青紫羅郡有優賢楊朝編貢士詔欲同朱輪載
勿憚移文誚

題鄭弘憲侍御遺愛草堂

居士近依僧青山結茅屋踈松映嵐晚春池含苔

綠繁華冒陽嶺新禽響幽谷長嘯攀喬林慕茲高
世躅

同元錫題琅琊寺

適從郡邑喧又茲三伏熱山中清景多石罅寒泉
潔花香天界事松竹人間別殿分嵐嶺明磴臨懸
壑絕昏旭窮陟降幽顯盡披閱欽駭風雨區寒知
龍蛇穴情虛澹泊生境寂塵妄滅經世豈非道無
爲厭車轍

題鄭拾遺草堂

借地結茅棟橫竹挂朝衣秋園雨中綠幽居塵事

違陰井多蟲亂高林霜果稀子有白雲意構此想
巖扉

仙人祠

蒼岑古仙子清廟闕華容千載去寥廓白雲遺舊
蹤歸來灞陵上猶見最高峰

經函谷關

洪河絕山根單軌出其側萬古爲要樞往來何喘
息秦皇旣恃險海內被吞食及嗣同覆轍咽喉莫
能塞炎靈詎西駕婁子非經國徒欲拒諸侯不知
恢至德聖朝及天寶豺虎起東北下沉戰死魂上

結窮寃色古今雖共守成敗良可識藩屏無俊賢
金湯獨何力馳車一登眺感慨中自惻

經武功舊宅

茲邑昔所遊嘉會常在目歷載俄二九始徃今來
復感感居人少茫茫野田綠風雨經舊墟毀垣述
往躅門臨川流駛樹有羈雌宿多累恒悲徃長年
覺時速欲去中復留徘徊結心曲

徃雲門郊居塗經廻流作

茲晨廼休暇適徃田家廬原谷徑塗澁春陽草木
敷纔遵板橋曲復此清澗紆崩壑方見射廻流忽

已舒明滅泛孤景杳靄含夕虛無將爲邑志一酌
澄波餘

乘月過西郊渡

遠山含紫氛春野靄云暮值此歸時月留連西澗
渡謬當文墨會得與羣英遇賞遂亂流翻心將清
景悟行車儼未轉芳草空盈步已舉候亭火猶愛
村原樹還當守故廬恨恨垂幽素

晚歸澧川

凌霧朝闌闔落日返清川簪組方暫解臨水一儻
然昆弟忻來集童稚滿眼前適意在無事攜手望

秋田南嶺橫爽氣高林遠遙阡野廬不鋤理翳翳
起荒烟名秩斯逾分廉退愧不全已想平門路晨
騎復言旋

授衣還田里

公門懸甲令澣濯遂其私晨起懷愴恨野田寒露
時氣收天地廣風淒草木衰山明始重疊川淺更
逶迤烟火生閭里禾黍積東菑終然可樂業時節
一來斯

夕次盱眙縣

落帆逗淮鎮停舫臨孤驛浩浩風起波冥冥日沉

夕人歸山郭暗鴈下蘆洲白獨夜憶秦關聽鐘未
眠客

春月觀省屬城始憩東西林精舍

因時省風俗布惠迨高年建隼出潯陽整駕遊山
川白雲歛晴壑羣峰列遙天欽崎石門狀杳靄香
爐烟榛荒屢冒罍逼側殆覆顛方臻釋氏廬時物
屢華妍曇遠昔經始於茲闕幽玄東西竹林寺灌
注寒澗泉人事旣云泯歲月復已綿殿宇餘丹緋
磴閣峭欹懸佳士亦棲息善身絕塵緣今我家朝
寄教化敷里鄺道妙苟爲得出處理無偏心當同

所尚跡豈辭纒牽

自蒲塘驛迴駕經歷山水

館宿風雨滯始晴行蓋轉潯陽山水多草木俱紛
衍崎嶇緣碧澗蒼翠踐苔蘚高樹夾潺湲崩石橫
陰巘野杏依寒拆餘雲冒嵐淺性愜形豈勞境殊
路遺緬憶昔終南下佳遊亦屢展時禽下流暮紛
思何由遣

山行積雨歸途始霽

攬轡窮登降陰雨遘二旬但見白雲合不覩巖中
春急澗豈易揭峻途良難遵深林猿聲冷沮洳虎

跡新始霽升陽景山水閱清晨雜花積如霧百卉
妻已陳鳴騶屢驤首歸路自忻忻